



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

-- հունիսի 2020 թվականի №---Ա  
քաղ. Երևան

**«ԵՐԵՎԱՆԻ ՋԵՐՄԱԷԼԵԿՏՐԱԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ 2020  
ԹՎԱԿԱՆԻ ՆԵՐԴՐՈՒՄԱՅԻՆ ԾՐԱԳՐԻՆ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հիմք ընդունելով «Էներգետիկայի մասին» օրենքի 17-րդ հոդվածի 1-ին մասի «ժդ» կետը, 28-րդ հոդվածի 1-ին կետի «ը» ենթակետը և Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2010 թվականի հուլիսի 14-ի №365Ն որոշմամբ հաստատված՝ էներգետիկայի բնագավառում ներդրումային ծրագրերի համաձայնեցման կարգը՝ Հանձնաժողովը **որոշում է.**

1. Համաձայնություն տալ «Երևանի Ջերմաէլեկտրակենտրոն» փակ բաժնետիրական ընկերության (այսուհետ՝ Ընկերություն) 2020 թվականի ներդրումային ծրագրին՝ համաձայն №N°1-3 հավելվածների:
2. Ընդունել ի գիտություն, որ՝
  - 1) Ընկերության 2020 թվականի ներդրումային ծրագիրը կազմում է 1 156,3 մլն դրամ՝ առանց ավելացված արժեքի հարկի՝ հետևյալ հիմնական ուղղություններով.
    - ա. համակցված շոգեգազային ցիկլով աշխատող թիվ 1 էներգաբլոկի GT13E2 MXL2-ի UPFLOW արդիականացում՝ 955,5 մլն դրամ.
    - բ. ընկերության բնականոն գործունեության ապահովմանն ուղղված ներդրումներ՝ 7,3 մլն դրամ.
    - գ. 2019թ. համաձայնեցված ներդրումների ծավալը գերազանցող ներդրումներ՝ 193,5 մլն դրամ.
  - 2) սույն որոշման առաջին կետում նշված ներդրումային ծրագրի իրականացումից հետո ակնկալվող ցուցանիշները, մասնավորապես, 233,6 ՄՎտ տեղակայված (դրվածքային) էլեկտրական հզորությունը, կամրագրվեն Ընկերության

համակցված շոգեգազային ցիկլով աշխատող էներգաբլոկում էլեկտրական էներգիայի (հզորության) և ջերմային էներգիայի համակցված արտադրության N°0350 լիցենզիայի պայմաններում (այսուհետ՝ Լիցենզիայի պայմաններ) և հաշվի կառնվեն Ընկերության հետագա սակագների հաշվարկման ընթացքում, ինչի համար անհրաժեշտ է այդ ծրագրով նախատեսված աշխատանքները կատարելուց հետո Հանձնաժողովի 2013 թվականի նոյեմբերի 1-ի N°374Ն որոշմամբ հաստատված՝ էներգետիկայի բնագավառում գործունեության լիցենզավորման կարգին համապատասխան դիմել Հանձնաժողով՝ ներկայացնելով համապատասխան հիմնավորող փաստաթղթեր:

3) այն դեպքում, երբ Ընկերության կողմից կատարվելու են օրենսդրությամբ սահմանված՝ շինարարության թույլտվություն պահանջող աշխատանքներ, որոնք կհանգեցնեն կայանի՝ լիցենզիայով ամրագրված հաշվարկային հզորության փոփոխության, Ընկերությունը Լիցենզիայի պայմաններում վերակառուցման ժամանակահատված ամրագրելու նպատակով պետք է դիմի Հանձնաժողով՝ ներկայացնելով Հանձնաժողովի 2013 թվականի նոյեմբերի 1-ի N°374Ն որոշմամբ հաստատված՝ էներգետիկայի բնագավառում գործունեության լիցենզավորման կարգի 48-րդ կետով նախատեսված փաստաթղթերը:

3. Սույն որոշումն ուժի մեջ է մտնում Ընկերությանն օրենքով սահմանված կարգով իրագեկելուն հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

**Գ. ԲԱՂՐԱՍՅԱՆ**